



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU HRVATSKE DEMOKRATSKE UNIJE BOSNE I HERCEGOVINE

S A D R Ž A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske demokratske unije Bosne i Hercegovine za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbe poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godine, utvrđeno je da je Hrvatska demokratska unija Bosne i Hercegovine prekršila odredbe člana 4. stav (1), člana 11. stav (1) i člana 12. Zakona o finansiranju političkih stranaka.

Na osnovu našeg pregleda, odnosno kontrole godišnjeg finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske demokratske unije Bosne i Hercegovine za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskih izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska demokratska unija Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,04	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	3.346,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	3.346,00	100,00
II	Ostali prihodi i drugo	0,00	0,00
	Izvori finansiranja (I+II)	3.346,00¹	100,00

U godišnjem finansijskom izvještaju stranka je iskazala rashode u ukupnom iznosu od 10.918,80 KM².

2. PREDSTAVLJANJE POLITIČKE STRANKE

Naziv političke stranke: Hrvatska demokratska unija Bosne i Hercegovine. Skraćeni naziv: HDU BiH.

Stranka je registrovana kod Kantonalnog suda u Sarajevu dana 16.05.2002. godine, Rješenjem broj: R-I-8/02 od 16.05.2002. godine.

Sjedište stranke je u Sarajevu, Tešanjka 9.

Lice ovlašteno za zastupanje stranke i predstavljanje stranke je Miro Grabovac, predsjednik.

Lice ovlašteno za podnošenje finansijskih izvještaja za 2018. godinu je Ana Božić.

Prema podacima iz godišnjeg finansijskog izvještaja Hrvatska demokratska unija Bosne i Hercegovine ima sljedeću organizacionu strukturu:

- Središnjica HDU BIH,
- 2 kantonalna odbora i
- 10 općinskih odbora.

¹ Podaci su preuzeti iz korigovanog godišnjeg finansijskog izvještaja od 06.05.2020. godine.

² Podaci su preuzeti iz korigovanog godišnjeg finansijskog izvještaja od 06.05.2020. godine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaji Hrvatske demokratske unije Bosne i Hercegovine za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Hrvatske demokratske unije Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Hrvatske demokratske unije Bosne i Hercegovine u periodu od 2005. do 2017. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2017. godinu, izdat je izvještaj o pregledu sa mišljenjem revizora, nalazima revizije i preporukama stranci da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i da finansijske izvještaje koje podnosi Centralnoj izbornoj komisiji Bosne popunjava u skladu sa odredbama Pravilnika o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da politička stranka nije ispoštovala date preporuke revizije.

5. NALAZI I PREPORUKE

5.1. NALAZI

a) Hrvatska demokratska unija Bosne i Hercegovine prekršila je odredbe člana 4. stav (1)³ Zakona o finansiranju političkih stranaka.

U programu utroška sredstava za 2018. godinu, broj: 01-05/18 od 27.03.2018. godine, stranka je navela da će s ciljem sudjelovanja na izborima, promidžbe stranke i postizanje što boljih izbornih rezultata, trošenje sredstava usmjeriti na: 1) održavanje skupova po općinama; 2) izradu promidžbenog materijala; 3) uključivanje u članstvo stranke i pronalaženje sponzora i 4) druge aktivnosti s ciljem postizanja što boljih izbornih rezultata, a sukladno raspoloživim sredstvima stranke, ali bez navođenja iznosa planiranih troškova.

³ Finansijska sredstva iz člana 3. stav (1) Zakona o finansiranju političkih stranaka može koristiti isključivo za ostvarivanje ciljeva utvrđenih svojim programom i statutom.

Prema podacima iz korigovanog godišnjeg finansijskog izvještaja, stranka je iskazala ukupne troškove u iznosu od 10.918,80 KM koji se odnose na režijsko-administrativne i ostale troškove u iznosu od 4.068,80 KM i troškove propagande u iznosu od 6.850,00 KM.

Sve navedeno ukazuje da je Hrvatska demokratska unija Bosne i Hercegovine nije sačinila program utroška sredstava na način kojim bi se obezbijedila potpuna transparentnost planiranog trošenja sredstava i njihova uporedba sa ostvarenim troškovima, odnosno da je finansijska sredstva utrošila mimo programa utroška finansijskih sredstava za 2018. godinu, čime je prekršila odredbe člana 4. stav (1) Zakona o finansiranju političkih stranka.

b) Hrvatska demokratska unija Bosne i Hercegovine prekršila je odredbe člana 11. stav (1)⁴ i člana 12. Zakona o finansiranju političkih stranaka.

(1) Na osnovu obavljenog pregleda poslovnih knjiga, utvrđeno je da Hrvatska demokratska unija Bosne i Hercegovine nije u poslovnim knjigama pravilno evidentirala prihode i rashode, čime je prekršila računovodstvene propise i odredbe člana 11. stav (1) Zakona o finansiranju političkih stranaka.

- Hrvatska demokratska unija Bosne i Hercegovine je u poslovnim knjigama, suprotno računovodstvenim propisima, evidentirala povrat svojih sredstava u iznosu od 20.000,00 KM kao prihod. Stranci je po Odluci Centralne izborne komisije BiH, broj: 06-1-07-3-735/18 od 11.12.2018. godine vraćena taksa za ovjeru za učešće na Općim izborima. Kako se radi o povratu uplaćene takse za učešće na Općim izborima 2018. godine, utvrđeno je da su ukupni prihodi stranke iznosili 3.346,00 KM, a ne 23.346,00 KM kako je stranka evidentirala u poslovnim knjigama.
- Stranka je u poslovnim knjigama, evidentirala ukupne rashode u iznosu od 30.918,80 KM. S obzirom da su stranci vraćena sredstva od takse za ovjeru za učešće na izborima, utvrđeno je da su ukupni troškovi iznosili 10.918,80 KM.

(2) Politička stranka je u skladu sa odredbom člana 12. stav (2) Zakona o finansiranju političkih stranaka⁵ imala obavezu da u godišnji finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja⁶.

Troškovi izborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM⁷ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Hrvatska demokratska unija Bosne i Hercegovine je u svrhu izborne kampanje mogla da potroši 380.580,80 KM.

Hrvatska demokratska unija Bosne i Hercegovine je u godišnjem finansijskom izvještaju za 2018. godinu iskazala troškove izborne kampanje u iznosu 6.850,00 KM.

⁴ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

⁵ Politička stranka obavezna je u svom finansijskom izvještaju uključiti sve koristi ostvarene od aktivnosti subjekata koji su na bilo koji način povezani s političkom strankom ili su pod njenom kontrolom.

⁶ Hrvatski narodni sabor Bosne i Hercegovine kao udruženje promoviše političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

⁷ Član 15.10 stav (2) propisuje se da se maksimalno dozvoljeni iznos za finansiranje izborne kampanje izračunava što se broj glasača u svojim izbornim jedinicama u kojima politički subjekt ima kandidatsku listu ili kandidata pomnoži sa: 30 feniga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta FBiH, članove Parlamentarne skupštine BiH, člana Predsjedništva BiH, predsjednika i potpredsjednika RS, odnosno 20 feniga za izbore za članove kantonalnih skupština.

5.2. PREPORUKE

Preporučuje se Hrvatskoj demokratskoj uniji Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da svake godine donosi precizan i jasan program utroška sredstava i da finansijska sredstva osigurana za finansiranje političke stranke koristi u skladu sa programom,*
- *da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i*
- *da u finansijskom izvještaju uključuje sve koristi ostvarene od aktivnosti udruženja koje je povezano sa političkom strankom.*

KOMENTAR:

Hrvatska demokratska unija Bosne i Hercegovine se očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu i izvršila korekcije godišnjeg finansijskog izvještaja. Dostavila je korigovane obrasce 3, 4, 4.1 i 5 godišnjeg finansijskog izvještaja. Stranka je napomenula da nije imala nikakve koristi od Hrvatskog narodnog sabora, ali bez dostavljenog relevantnog dokaza.

Služba za reviziju je uvažila korekcije godišnjeg finansijskog izvještaja i djelimično korigovala nalaze koji su bili navedeni u Preliminarnom izvještaju o pregledu godišnjeg finansijskog izvještaja..

Pomoćnik revizora
Mr.sc. Goran Cicović

šef Službe za reviziju
Mr. sc. Hasida Gušić